

聊齋詩卷上

淄川蒲松齡留仙著

田何一首

（何字子莊，漢淄川人，魯商

瞿受易，孔子傳六世之何，漢興言易者本之）

易理演陰陽，生生大道祖；
秦火不可燔，精義存萬古。
義畫肇開天，姜里心何苦；
姬孔大聖人，傳薪通法乳。
絕業紹尼山，遠仰商瞿魯；
洎乎炎劉興，六世衛千櫓。
卓哉田子莊，躡括羣經矩；
異說疇其淆，絕續中流柱。
得力闡微言，鉛槧定象數；
餘響永師承，般陽其桴鼓。
（淄川漢般陽縣地）

謁鄭元祠

（祠在縣東）

修儀展拜鄭司農，幾輩衣冠具肅雍；
俎豆千秋通胙鄉，乾坤一氣受陶鎔。
青青書帶沿階草，鬱鬱爨山對戶峯；
絕業流傳長不朽，而今齊魯奉師宗。

康成刊註詩書於此）

晒書臺懷古

（臺者縣東北巽山後鄭

寂寞荒臺弔夕陽，巽山終古鬱蒼蒼；
流風猶說經師鄭，傳徧人間是縹緗！
牙籤玉軸想當年，書帶蒼茸草亦仙；
幾許蠹魚供一飽，食肥勝似郝隆眠！

苦雨東袁宣四孝廉

（袁名藩別號

松籬，淄川人，康熙二年癸卯舉人）

三日滂沱一日晴，沾春巷屐未停聲；
烏雲偏與斜陽競，簷溜如絲又到明。
蕉窗淺鎖只濃雲，籲苦蒼蒼不肯聞；
無怪關心民瘼者，憂時吾輩亦云云。

君馬黃

君馬黃，臣馬驪；和鸞載鳴，雍容威儀。一解君馬黃，臣馬白，爰馳爰驅，爰整鞭策。二解君馬黃，臣馬蒼；式如金玉，永保壽康。三解

空城雀

高城峨峨空無人，有雀有雀鳴酸辛。吁嗟城空粟亦盡，但覺饑來不可忍，饑不可忍將奈何？溝渠白骨充腸多。

折楊柳

置酒忽不樂，與君從此辭；春風將別淚，吹上楊柳枝。楊柳空有絲，難繫征人衣；不如楊柳花，千里飛相隨。

艾如張

艾而張羅，獲禽孔多；獲禽既多，釀酒高歌。注酒戒其

傾，取物戒其盈；開網布德澤，萬類霑陽春。

君馬黃（擬齊梁體）

君馬黃，君馬良；來從西極道路長，龍文虎脊軒昂。黃金絡頭青絲羶，一日能行千里強；貌閒氣定神洋洋，嗟哉駑駘敢雁行！

空城雀

空城雀，常苦饑；啾啾唧唧，朝亦無所適，暮亦無所依。借問梁間燕，主人一去何時歸？

折楊柳

下馬折楊柳，還看持作鞭；笑入吳姬肆，春風一路妍。

艾如張

驅馬出門去，射獵南山崗；嚴霜昨夜墮，秋草連天黃。孤矢豈不利，網羅亦既張；鴻飛寥廓外，弋者安能傷？

春暮與李約庵同飲（李名堯臣字

希梅、淄川諸生）

一杯相對總惓然，那許閒愁到酒邊；屬草有時攜秃管，坐花底事說瓊筵。奔忙世事有千變，閱歷人生無百年。飛絮漫空春欲去，柳絲故意爲纏綿。

野行

平疇渺無際，野色望蒼茫；水淺鷓鴣瘦，風輕蝴蝶忙。草灰前夜燒，藷飯隔年香。渴吻何由解，村醪試一嘗。

登千佛山眺遠同宣四作

偶登絕巘豁雙眸，萬里雲煙一望收；滾滾波濤來巨艦，重重巒嶂隱危樓。魚龍出沒蹤偏幻，鷓鴣飛騰勢自逾。縱是山名仙祓誤，亦教千佛護神州。（千佛山在濟南府南即歷山，或云乃仙祓訛音也）

放生池成喜賦

網釣分明記聖人，漫貪口腹又何因？易牛曾許齊君王，避蟻還稱宋帝仁。未必大江蘇涸鮒，且教方沼畜修鱗。而今賢令懷諸暨，入夢維魚竟若神！

韓義仙邑侯六十五歲得子詩以賀之

三秦老名士，一官來般陽；政平訟亦理，蔭暘多甘棠。吾亦澹臺子，樞衣登其堂；揮塵論文字，肺腑兩相忘。公年六十四，玉燕虛其祥；善人應有後，遲者庸何傷。忽舉丈夫子，狂喜書弄纓；絕纓復大笑，易象占枯楊。繡襖見英物，品珍圭與璋；視民一如子，有子後必昌。亭亭森玉樹，世澤並爲長；絲絲衍瓜瓞，家德永其芳。趨庭詔詩禮，理通品節詳；琴鶴養年壽，逢吉祝康強。耄齡企衛武，志學相頡頏；奚以操左券，臨風晉一觴。

呈焦石虹先生北行（焦名毓，字

輯五章邱人，進士時官戶部左侍郎）

經濟文章世所宗，萬方生命繫司農；西風匹馬秋凌策，北闕仙鸞曉啓鐘。軍國權衡風節峻，觚稜瞻仰露華濃；金甌事業清時重，漫向田園問菊松。

喜畢公權獲解（畢名世，持淄川人，康

熙十七年戊午解元）

勝區自昔鍾靈秀，代有傳人播盛名；落落高懷希往哲，超超元箸冠羣英。明蟾秋月開金榜，匹馬春風土玉京；聖代右文培士氣，著鞭應不限前程。

彌衡一首（衡般人）

正平卓犖才，薦達自文舉；未抗權臣疏，徒奏伶人鼓。龍不躍天門，豈堪蝦蟇伍；時方尚詐力，高談故齟齬。在廷半私人，忠亮非所許；試聽漁陽聲，淵淵應鍾呂。

執籥何足羞？碩人實俛俛；老瞞欲侮人，先已受其侮。惜哉此劍鋒，缺折為黃祖；不復乘虹霓，祇傳賦鸚鵡。

同畢怡庵綽然堂談狐時康熙二

十一年臘月十九日夜也

琴瑟臘鼓送殘歲，小集消寒欣把袂；天寒暑短逼青陽，日暮矣夜以繼。朔風吹冷綽然堂，華燈粲粲燃無光；詩心酒膽迸而發，劇談益烈相顛狂。人生大半不如意，放言豈必皆遊戲；緣來緣去信亦疑，道是西池青島使。一羣姊妹雜癡瞋，翠繞珠圍索解人；刺史高樓一角明，香夢重尋春復春。

李貞女行（貞女鄒平人）

比翼鳥，不獨生；連理枝，不獨死。負氣含生類如此，若貞女者堪舉似。一解貞女李姓鄒平居，幼習庭訓嫻詩書。許字楊家郎，未駕親迎車。楊郎一旦病且殂，貞女聞訃傷何如？二解言辭父母側，來詣舅姑前麻衣。

撫郎棺，慟哭呼蒼天。白虹一道袖中出，願攜郎手同歸泉。幸哉救之得無恙，一時嫺戚族黨莫不嗟其賢。三解貞女已無夫，夫兄猶有子。下以續宗祧，上以待甘旨。女身霜中筠，女心井中水。霜寒節益堅，井深波不起。四解貞女之貞之死靡佗，學士大夫競爲詩歌傳之。千秋萬載永不磨。古來城有圯，筭有摩。以方貞女未足多。君不見一九髮女星光輝夜，夜明天河解。

謁伏生祠

（祠在鄒平縣東北）

秦燔直多事，聖澤流孔長。齊魯尊博士，日月炳重光。祠古碑無字，經傳書有香。撫衣一展拜，肅然瞻階堂。

秦松

寒歲貞心肯受封，勁風謾謾五株松。仲連莫道無知己，千載依然倚岱宗。

淄川竹枝詞（有缺）

聊齋詩

卷上

淄川春色柳千絲，沉醉東風酒一卮。門外夕陽紅不了，無人知道鄭元祠。

層巒翠撲朝暎，遙望青山一抹痕。指點煙臺最高處，盛名稱道是崑崙。

短笛無腔聽牧童，山隈隨意受春風。朝朝聽吐紅泥犢，預卜豐源十倍豐。

祝其山色鬱蒼蒼，夾谷千秋尙有亭。遊客而今談往事，峯巒環拱列如屏。

飲邱行素廣文清夢樓賦贈

（邱

名希潛，淄川人。康熙二十八年己巳歲貢，授黃縣訓導。旋告歸，構清夢樓於豹山之陽，讀書其中。每與山僧野叟輩談諧暢飲。

一官秉鐸古萊國，喬然貢樹爭春色。苜蓿滿盤甘若飴，儒生不羨鼎烹食。忽爲解組賦歸來，奉身豹隱深山隈。有時閉戶學尋夢，小樓一角清無埃。藏有奇書

五

五萬卷，權擁百城傲南面；輒聞金石淵淵聲，拋卻高
眠不知倦。興來豪飲累百觴，山僧野叟同徜徉；風前
脫幘發奇論，卓哉天骨森開張。

秋闈報罷寄王如水

黃花有約試東籬，忽忽西風警冷時；狂罵冬烘糊眼
鬼，閒題秋雨斷腸詞。一場幻想都成夢，幾卷殘書不
合宜；免俗未能聊復爾，牢愁怎不怕人知？

病足簡畢萊臣

昔日常誇腰脚健，今朝入定強爲僧；橫陳一榻真無
賴，跛倚三餐且不勝。藜杖多情扶故我，菊花有約負
良朋；欲呼弟子啓予足，賦罷深淵賦履冰。

病中感懷

感懷知己盼天涯，搔首平生數歲華；略解文章差自
活，每因疾病不離家；醫庸技薄辭膏藥，卷去天陰補

種花；從古封侯非易事，幾人傳作畫圖夸？

明季小樂府

虎踞龍蟠地，高皇此建都；金川門啓日，知有福王無？
一載偏安局，紛紛競是非；儲君猶可假，何況舊時妃？
閣黨重收錄，清流禍自深；軍書星火急，猶議殺東林。
詔下都城沸，君王選後宮；可知江北岸，烽火徹天紅。
冷落春燈謎，淒涼燕子箋；秦淮歌舞地，明月自年年。
京洛三千里，蛾眉匹馬還；背人銀燭下，猶唱念家山。
四鎮紛爭日，調停賴督師；苦心籌大局，惟有嶺梅知。
年少專城將，功高異姓王；都將家國恨，分付與紅妝。
傳檄清君側，全軍指石頭；椎胸長太息，畢竟負臨侯。
扶杖東皋去，重尋舊草堂；忠魂招未得，八桂夜飛霜。
恢復知無望，南田且負隅；東風吹血淚，流恨滿西湖。
萬里滇南路，孤忠賸李王；平西何太急，一夜渡瀾滄。

焦石虹侍御賜觀方正學老木寒

烏圖詩以紀幸

金川門啓宮中火，姬旦稱尊當殿坐；麻衣入哭方先生，十族甘心同受甌。當時大節疇麟岫，若齊若黃皆殺身；先生之死死尤烈，讀書種子今無人。二百年來一彈指，收拾滄桑付青史；一片高山仰止心，索向零縑與殘紙。章邱侍御工蒐羅，法書名畫珍藏多；先生績事世希覩，黃金購得欣摩挲。老樹一株勢擎攫，白項九鳥共依託。題無年月有姓名，云爲朝宗右相作。朝宗者誰汪廣洋，比匪卒爲惟庸傷；先生得毋有深意，擇烏擇木先藏機。酒酣呵壁將誰問，忠佞千秋聽公論；卻看勁氣溢毫端，殿前投筆知遺恨。蒙也倚几疑兩眸，獲觀此本他何求；不揣與公作品第，文文山字差堪儔。（侍郎云：尙有文信國書蹟長卷，在京邸）

春日陽穀道中

挈榼提壺聽鸞鶯，千條楊柳不勝情；東風撲面薰人

醉，魂共落花飛入城！

夾谷臺（縣西南甲山，本名祝其山，上有

夾谷臺，孔子相魯公會齊侯處。）

仰止高山見景行，一臺終古得知名；折衝禦侮端由禮，辭享歸田劇有情。駐節千秋尊魯相，解圍數語卻萊兵；青峯齊魯知多少，偏爲麟經獲至榮！

白雲湖（湖在章邱西，產魚藕菱芡，一名

劉郎中泊）

閒倚春風一放船，白雲湖上水連天；漁舟三五自成隊，沙鳥一雙飛入煙。蒹葭劈雲衝浪去，蒲帆帶雨正風懸；應知我本忘機者，狎鷺盟鷗總自然！

張歷友北行留別（張名篤慶，號厚

齋，別號崑崙山人）

緇衣京洛啓征車，僕僕風塵別路賒；勸飲一杯無限

意殘燈翦盡復生花。
午夜重傾金叵羅，燈前擁袂勸儂歌；愁深易醉難成曲，明日陽關奈別何！

袁宣四得古瓶詩以豔之（有序）

邑有甲乙二人，淘北村井，忽見罽骸，誤碎其口，得黃金，納之。又得六七枚，悉碎，無有。復得銅器一，古磁瓶二。甲死，乙蘇，曰：遺新莽亂，全家投井，有少金，內口中，實非含品，人人都有也。奈何悉碎耶？許以葬，乙乃愈。其後銅器爲人購去，瓶一入張秀才家，有黑點，可志朔望。浸花不枯，惜口微缺。一歸宣四，可驗陰晴。見有一點潤處，初如粟米，漸闊而滿，則雨潤；退則晴，埋不可測也。

巨君竊窺漢宮闕，遭亂全家同滅沒；目余得井而拯之，無奈罽骸盡枯骨，慢藏海盜古所言，死猶不舍何昏昏；口中黃金非含物，六七頭顱呼奇冤，冷淘豈必

逢寒食？乙生甲死聞失色；陸離斑駁亦何奇？一樣磁銅黝以黑。銅之爲器雙環垂，大可合抱形成規；此物此志鮮識者，存而不論姑闕疑。兩磁爲瓶尤奇絕，千年幽鋼質如鐵；用志朔望方堯奠，張君得之口微缺。潤處一點驗陰晴，初如粟米漸滿盈；雨霽雲開復厥始，物理可明終莫明。款識年月不可攷，喜爲主人歌得寶；上世陶氏有專官，作者其誰叩大造！

望雲作

銀漢白雲微，悠揚住復飛；思隨峯影幻，影養水心肥。天際依帆遠，林間帶鶴歸；有時零落處，極目送斜暉。

擬杜荀鶴春宮怨

掖庭春色到，幾度負東風；歌舞珠簾外，容顏寶鏡中。草迎新雨綠，花襯夕陽紅；聽說承恩者，蛾眉又不同。

原作

早被嬋娟誤，欲汝臨鏡慵；承恩不在貌，教妾若爲容。風暖鳥聲碎，日高花影重。年年越溪女，相憶採芙蓉。

擬王仲初鏡聽詞

鴛鴦帶綰雙鸞鏡，纖手輕持卜暗聽；窻前燈火滅還明，翠袖重遮出芳徑。丁寧細語無人知，宛轉階前月上時；但願郎歸期不誤，何妨行騎故遲遲。平安兩字聽切切，似解征人久離別，無心好語有心問，卻喜歸期大刀折。郎行不是鏡中花，珍重妝奩護絳紗；鏡影圓時人意愜，雲鬢重整鬢邊鴉。

原作

重重摩挲嫁時鏡，夫婿遠行憑鏡聽；回身不遣別人知，人意丁寧鏡神聖。懷中收拾雙錦帶，恐畏街頭見驚怪，嗟嗟際際下堂階，獨自窻前來跪拜。出門願不聞悲哀，郎在任郎回。

未回月明地下人過盡，好語多同皆道來。卷袖上床喜不定，與郎裁衣失翻正。可能三日得相見，重繡錦囊磨鏡面。

自君之出矣

自君之出矣，不復埋朱紘。思君如楊柳，三起又三眠。自君之出矣，不復理新妝。思君如短巾，一日一絲長。

花朝

淡雲微雨峭東風，釀得花枝處處紅。報道二分春色到，看花須趁五花驄。舞罷鞦韆髮欲斜，欄杆閒倚且看花。攜來小小輕羅扇，撲蝶回時半面遮。

花朝同宣四聯句

百花生日記今朝，留無限春光破寂寥。色欠三分看乍到，宣晴開二月信非遙。前身合與東君認，留芳訊。

萬山樵唱

環淄皆山也，行行來鄧林，清歌起何處，雲深莽難尋。

豐源牧唱

豐年書大有，耕者十千耜，短笛不成腔，和歌信口吹。

簡孫給諫

觚稜近接氣，尊嚴背鯁丰，我不避嫌，民瘼關懷通疾苦，臣心在抱勵清廉，燈前屬草風生管，碑底量花日上簾，已分雲泥相隔遠，詩懷兀兀付蒼兼。

簡阮亭司寇

泉石棲遲五十年，臨風我自笑華顛，文章近世無知己，几杖當時接大賢，望斗瞻山欽雅度，明刑弼教關真詮，高官偏是宜名士，日下蜚聲豈偶然。

懷人一首

清河詞壇老斲輪，早有盛名傳縉紳，口無陽秋腹無

鱗；惟餘俠骨攢嶙峋。取義崑崙非無因，（張厚齋明經）隴西與之近為鄰，譬欵相交接昏晨，每逢吟讌笑語親，忽吐肝鬲驚諸賓，詩狂酒狂併一身，（李約庵秀才）漁陽先生才通神，古之鳴鳳今祥麟，鮑家雋逸庚清新，班香宋豔次第陳，投筆一笑宣南春，（王阮亭司寇）玉堂視草伊何人，六街走馬踏紅塵，鳳池珥筆屬儒臣，風流跌宕世無倫，卓哉唐子何彬彬，（唐豹巖太史）賤子身世殊沈淪，願為識字耕田民，柳泉一灣如避秦，朋從夙喜啣杯頻，興高不問雨墊巾，停雲落月意不伸，搦筆轉自笑斷斷。

蓮子湖招涼

（湖在歷城北，周環極廣，

中多蓮花，漁舟相聚，西陽雜俎所謂，罟罟疏布，遠望若蛛網浮杯也。）

蓮子湖中蓮試花，清風拂袖日初斜，佳人雪藕滌煩暑，仙子凌波映彩霞，欸乃鶻聲歸勝女，輕盈杯渡聚漁家，科頭躡足攄長嘯，鷗鷺忘機未足誇。

采蓮曲

蓮葉障如妾，蓮花豔似郎；生憎比翼鳥，夜夜宿蓮房。
朵小剛容寸，凌波步步嬌；弓鞋羞比樣，背面束裙腰。

顏魯公爭坐位帖韓義仙邑侯命

題

唐室亂紀綱，宦官始竊柄；赫赫餘軍容，聲勢一何盛！
朝廷既尊寵，何況諸執政？公卿徒側目，專恣與誰競？
惟公挺勁節，立身自嚴正；正氣懾權姦，抗顏準賢聖。
坐位雖細微，踰禮實足病；等威苟不明，夷倫遂變更。
公言得大體，豈獨在諫諍；今觀草藁書，筆力更遒勁。
結構挾風霜，含毫見真性；名箋搨硬黃，字字露瘦硬。
寶之篋笥中，展閱爲起敬；我家鄰平原，守城識閫分。
而今八百年，往事猶歌詠（祿山反，公時爲平原太守，
河朔盡陷，獨平原城守具備，募士得萬人，大饗城西門，
慷慨泣下，衆皆感勵，願死守）韓侯宰吾淄，心

神可輝映。舉此屬爲題，固辭不獲命。

輓王欽文太翁（名與敕，順治甲申拔

貢，封國子監祭酒，西樵阮亭兩先生之父也）

斗山望重式鄉閭，綠野堂中賦遂初；得壽引年福全備，
顯親生子願非虛；扶筇愛日共談笑，側帽承歡問起居；
家學淵源延奕葉，况貽後世有楹書！

書聊齋壁

好花隨意帶雲裁，草長柴扃故不開；滿榻松風當日
午，海天時有鶴飛來。
茶煙裊裊一簾垂，花氣薰人勸不支；夢雜華胥都入
妙，是真是幻兩休知！

晚晴卽事

夕陽開霽色，暎色忽相侵；燈影搖風亂，鐘聲帶雨沈。

殘花黏枕簟，淡月照衣襟；薄醉夜夢醒，柳泉待曉禽。

夜涼和厚齋作

暑氣逼炎夏，夜涼生微微；引杯停紈扇，坐石披羅衣。
蟬聲高樹歇，螢火疏簾飛；劇談輒忘勸，乘風歸未歸。

秦和道中同約庵作

惘惘出門去，攜手慰孤栖；月落夜逾靜，風寒聲太淒！
行裝資笠屐，客况問輪囷；明蚤泰山近，晨雞爲先啼。

報罷

莫訝狂歌缺唾壺，壯懷如許竟窮途；求賢若渴才猶棄，到處爲家夢不孤；志氣消殘閒歲月，文章用舊老工夫；此身祇合林泉住，垂柳陰中作釣徒。

爲約庵戲作

天爲斯人付主持，一腔心事自家知；無靈文字常難

達，有分烟緣不礙遲；博醉動斟金鑿落，消愁頻弄玉
參差；春風紅豆生南國，珠箔銀屏夢莫疑。

餘山舊意書屋消寒雜詠分題四

首

雪花

密雪紛飛處，天花亂墜來；破階千點綴，枯樹一齊開。
有絮渾疑柳，無香卻遜梅；衝寒飛六出，羯鼓不須催。

筆花

江令生花筆，紛披五色同；夢迷香國裏，春滿管城中。
意蕊憑胸結，詩葩觸手工；探懷濃欲滴，端不藉東風。

劍花

龍抱鐵花吟，風霜冷不侵；神從秋水出，春向赤山尋。
品別羣芳譜，精融百鍊心；端宜君子佩，雅藻重儒林。

燈花

燈紅花暈碧，喜報主人知；蕊綻銅龍裏，光燃錦帳時。
挑來綠起草，落處爲敲棋；博得清宵興，盈盈照酒卮。

消寒雅集賦得李太白酒樓長歌

同作不拘韻（樓在濟甯南城上，李太白客任城時，縣令賀知章觴之於此。）

我騎鸞鳳東南遊，碧落倒影蒼溟浮；綠雲萬里紛紛不可住，天風吹入縹緲之飛樓。樓上有狂客乃千古詩酒之豪，風流之伯，知我好奇多奇跡，招我登樓浮大白。劈麟脯烹龍肝，雲液煖，玉漿寒。漿寒液煖傾不竭，輿往情來猶未歇。忽然天半起朱霞，衆仙飛下五雲車。金支翠旗紛騰拏，飄然流出雲中花。雲中之君一長嘯，海天愁意棼如麻。楊花歷亂如飛沙。我前爲壽，酌以大斗，但願先生笑開口。先生口能吸盡千萬川，騎鯨一去不復還。何不摘取列星當酒錢，逍遙於此年復年！

聊齋獨坐自遣

予取予求不女瑕，春風儘自玉壺賒；詩懷盡日清如

水，一樹寒梅幾點花。
偶然疊石都成趣，隨意栽花爲探春；對面看來應更好，團茅坐個畫中人。

寄唐豹巖太史

園林風物迭相更，不盡蒼茫感慨生；去日堂堂都失意，停雲片片總多情。自憐筆墨催人老，底事功名與世爭。還有天涯幾知己，殘鱗臘羽每縱橫。

大明湖冶春詞用阮亭前年紅橋

冶春絕句原韻（中缺第七、八、十
四首）

大明湖上好風景，梵宇兩載不會來；今朝相見猶相識，我佛多情笑口開。
魚鳥親人不避人，提壺况復勸沾春；嫩苗膠芽燒肉糜，勝他鱗尾與猩肝。
夕陽倒浸綠波中，儼得桃花分外紅；待看月明應更

好，酒船歸去莫匆匆。

江南詞客庾蘭成，白髮飄蕭百感生；莫怪看花倍惆悵，紅橋回首不勝情。

客亭低露楸桐罇，亭外客來人已知；不識誰家年少子，春風隄上騁穢離。

萬家煙火隔重城，湖上春來未見飭；（馬上逢寒食，春來不見飭，見唐沈佺期詩。）天氣半晴還半雨，女牆四而不分明。

大明寺中花似錦，大明池上草如煙；平生遊屐都難忘，腰腳輸前祇自憐。

攜酒看花且目前，西湖春色自年年；（大明湖，一名西湖。）人生聚散渾無定，不見飛鴻共一天。

天心水面亭（在大明湖上，有湖山花

竹之勝，宋李溉之作。）

蒔花種竹饒幽勝，千古斜陽賸此亭；一片野雲流不去，卽天卽水兩冥冥。

范文正舊廬（在長白山，文正讀書處）

長白山前話夙因，茅廬指點認堪真；凱風聖善哀哉母，孤露飄零著此身。秉節威靈新過客，扶筇父老舊遊人。先憂後樂推名世，一片煙霞萬古新。（文正二歲而孤，母更適長山朱氏，從其姓，既長知其家世，乃感辭母去，貴後過長山，老父迎拜於道，公賦詩，有長白一寒儒，榮歸三載餘，及煙霞指舊廬之句，長白山跨四縣界，抱朴子謂泰山之副嶽。）

夢

邯鄲道外盡邯鄲，不獨邯鄲一枕安；歲月兩閒皆泡影，文章千古總疑團。青天有恨身難補，碧海無情淚暗彈；夢裏不知還是夢，醒時誰當睡時看？黃昏白晝每沈酣，咫尺華胥豈妄談；蕉雨一窗鹿共覆，松風半榻鶴同甘。箇中往復憑誰主，世上平陂可悟參；色卽是空空卽色，乾坤豈另有包函！

款款莊周蝶影纖，階前爲語漫投籤；黃梁甑上炊初熟，黑漆壺中味正甜。休咎早從官禮判，吉凶奚藉大人占。此間若道無憑准，花信緣何到筆尖？
最關情處最分明，醒後追維倍有情。頃刻仙妃疑作雨，立時故友晤如生。境因惆悵多奇想，事入虛無總易成。五十年來頻播弄，睡魔也覺太紛更。

韓邑侯貽當鮓一器喜邀歷友同

鮓聯句（爾雅釋魚鱠當鮓注海魚也似鰻而大鱗肥美多鮓江東人呼其最大長三尺者爲當鮓又類篇一曰出有時吳人以爲珍名鮓魚）

海國舞馮夷，歷春潮竟幻奇；腥風浮鱗鮓，留蟹兩長鯤。鮓應候原同鮓，鮓伴形亦類鮓；綠楊波乍暖，留紅雨網頻移。美已憐拋玉，鮓肥還訝染脂；鮓類難比並，留雙白易猜疑。測影剛三尺，鮓呼名卻兩宜；鮓多兼丙乙，鮓鱗巨映之而爭向江東買，鮓歷非關洛下思；負

鮓翻繡褥，留穿苻綰新絲。好借山經譜，鮓詳從爾雅；披筠籃登市早，留蒲笱入筵遲。試詠梁山什，鮓還吟厥父詩；煙波垂釣客，留獨趁落花時。歷

勵志一首示箬兒

道重韋布尊，學荒鐘鼎辱；讀書僅獵名，陳編俱可束。董子三年餘，杜老萬卷足；何憂業不精，所患行不篤。淳古賢聖流，道德留芳躅；勉旃勿再遲，窗隙白駒促。

冬夜擁鑪課箬兒讀

霜氣逼虛檐，紙窗淡生色；鑪煖柑柑紅，鏡寒煙篔直。坐擁一床書，豈竟爲兒息；起看屋角梅，數點寒尙勒。

古從軍行

十載征人苦刁斗，玉門直北古涼州；故姬對月枯紅淚，老將占星愁白頭。蕭蕭木脫關山畔，血甲血裳槍半段；水咽長城戎馬疲，雪消古戍哀鴻斷。出塞人多